

Griffie ER Bonaire	
Ingek.:	SEP 15 2014
Volgnummer:	2014-075
Griffier:	Uitv.:

Na: Sr. R. Beukenboom
P.m.d. Griffier
Presente

Bo karta fechá:

Nos nr. : 2014010431

Tópiko:

Pregunta waf Playa di Mangel

Kralendijk, 12 SEP 2014

Apresiable Sr. Beukenboom,

Risibí e kontestanan riba e preguntanan hasi fecha 23 yúli 2014 enkuanto Waf na Playa di Mangel.

1. Kuantu aña pasa a konstruí e waf?
E waf a wòrdu konstruí den 2002.
Kiko e gastunan di konstrukshon tabata i ken a karga nan?
Na e momento aki no ta disponé di e dokumentonan, pero e gastunan tabata di alrededor di Nafl. 650.500, 00 i e gastunan a wòrdu finansiá pa Gobièrnu mes e tempu ey.
2. Ken ta responsabel pa mantenshon di e waf i si tin un plan di mantenshon?
Den e kaso aki ainda OTB ta responsabel pa e mantenshonnan tantu di e Fuel Farm i e Waf. Un plan struktural di mantenshon ta wòrdu traha riba dje, esaki lo wòrdu kompletá pronto, pero ta asina ku na aña 2009, ora ku e Tankinan , tantu e Tanki 100 i esun 200 a krea eskape di fuel a bini ku plannan pa hasi e reparashonnan i sigui ku mantenshon nan, esaki a konta tambe pa e Waf, a hasi na 2009 un renobashon kompleto di tantu na e Waf i na e Tankinan i tambe pipanan di 6".
E gastunan total e tempu ey tabata di mas o ménos Nafl. 1.200.000,00.
Tambe a instalá e dos Tankinan chikitu Tanki 10 i 20, e aña ey.
Ta kumpli ku e schema di mantenshon, i kuantu e gastunan aki ta?
For di aña 2009 regularmente a hasi Inspekshon i mantenshonnan nesesario na ámbos fasilidatnan ey, i e gastunan tabata astronómiko, pa e gastunan eksakto mester bai bek den e dokumentonan. Aki ta sigui un lista di algun di e aktividatnan ku a tuma lugá di 2008 pa 2014:
 - Yüni 2008; Inspekshon total di tantu e Depósito i e Waf
 - Sèptèmber 2009; mantenshon i reparashon kompleto di tantu e Depósito i e Waf
 - Yüni 2010; Inspekshon enkuanto Hinderverordering

Petishon pa ora di kontesta e karta aki menshoná fecha, number di e karta i tópiko.

Adrès: Plasa Reina Wilhelmina 1, Kralendijk, Bonaire, N.A. Telefòn: (599-717) 5330. Fax: (599-717) 8416

- *Yüni i Novèmber 2011; Inspekshon a tuma lugá dor di RWS enkonekshon ku Brand Risiko Analyse.*
- *Augustus 2011; Definitief Rapport dor di RWS, fecha eksakto 5 augustus 2011.*
- *Yüni 2012 pa Desèmber 2012 atrobe a ehersé mantenshon kompleto na e Waf, e.o. kambio di tur e dos pipanan i valve nan di 6 “ i a hasi reparashon na e handrails nan, kambia e tire nan na e dolphin nan i e dockfendernan, a instalá protekshonnan di anodes, a drecha e kura di seguridat i ferf tantu e pianan di e Waf, pipanan di 6 “ i e handrailsnan ku ferf di dos komponente (Marine Paint)*
- *Aprel pa Yüni 2013; a bolbe hasi mantenshonnan di fèrfmentu riba e Waf.*
- *For di Aprel di e aña aki nos tin ofertanan pa a hasi e mantenshonnan nesesarario.*

3. Ta berdat ku tin daño grandi na e waf ku a obligá outoridatnan pa será esaki?
E daño na e Dolphin di e Waf esun pabou probablemente a wòrdu okashoná kuminsamentu di Mei posiblemente dor di e toubot nan, esaki dor ku e herunan den e betòn ku ta drenta den e pianan dor di un ke otro motibu a kòrta. Na e inspekshonnan ku a hasi 14 di Aprel 2014 i portrèt nan ku a wòrdu saka ainda e Dolphin aki tabata na su lugá. E ta un daño no tan grandi pero tòg un poko peligroso si e bolbe haña un sla fuerte. E waf tabata pa e motibu aki temporalmente será.

Ta berdat ku tin un personal di un kompania di seguridat na e sitio i ku no ta permiti ningún hende bini den besindario di e waf?

Esei tabata e kaso den forma permanente, pero awor esaki a wòrdu ahustá na patruya kada 3 ora i vigilansha permanente di 7.00 a.m. – 7.00 p.m. riba djasabra i djadumingu.

4. Tin un reportahe di kapitan di haf (Havenmeester)riba estado di e waf?
Dia 20 di Yüli último riba petishon di direktor di OTB i e Havenmeester un inspekshon i reportahe a wòrdu traha dor di CID N.V. Curaçao i nan a bini ku konseho i rekomendashonnan den e reportahe ey.
 Rijkswaterstaat a kontrola i aproba uso i operashon di e waf aki anteriormente i tin reportage di esaki?
For di despues di 10/10/10 periódikamente (regularmente kada 6 Luna RWS ta hasi inspekshonnan na e fasilidat nan aki. Mira e.o. aktividatnan bou di punto 4.

5. Kolegio Ehekutivo (K.E.) ta kompartí e opinion di Frakshon di Partido Demokrat ku mantenshon di e waf aki ta deficiente i ku esaki awe a resultá den interupshon di entrega di kombustibel pa avión?
Kolegio Ehekutivo no ta kompartí e opinion di Frakshon di Partido Demokrat, pasobra den e kontesta riba pregunta number 4, a informá kon e mantenshon atraves di tempu a tuma lugá. Aki por mira ku ta tin debido atenshon pa e aspekto di mantenshon. Na ningun momento a bini interupshon di entrega di kombustibel pa avion, pasobra esaki a wòrdu garantisá dor di a sòru pa entrega por a tuma lugá na un manera responsabel, no opstante ku e pier ta tin su defisiensi.

K.E. ta konsiente di e impakto sosial ekonómiko grandi ku skarsedat di kombustibel por okashoná na Boneiru?

Konseho Ehekutivo Semper tin bista i ta duna atenshon na tur aspekto ku por tin un impakto riba su komunidad. Konseho Ehekutivo na momento ku mester tin indikashon ku esaki por forma un peliger, lo aktua konforme i direkto.



Petishon pa ora di kontesta e karta aki menshoná fecha, number di e karta i tópiko.

Adrès: Plasa Reina Wilhelmina 1, Kralendijk, Bonaire, N.A. Telefòn: (599-717) 5330. Fax: (599-717) 8416

6. K.E. (kualke otro kompañia responsabel pa esaki) ta bai tuma pasonan legal kontra esnan ku a deskuidá un infrastruktura asina importante pa nos industria di turismo?
Den e kaso aki no por papia di deskuido, pues no tin mester di tuma medida tampoko kontra ningun instansia.
Si kontesta riba pregunta aki ta afirmativo, Kiko i kontra kua instancia o kompañia e akshonnan lo ta dirigi?
7. Kiko ta e pasonan ku lo tuma pa evita repetishon i deterioro di e waf na Pali Mangel?
Esaki ya OTB i su Asistente Tékniko for di 2009 ta hasiendo lo máksimo pa tin e fasilidat nan aki den bon kondishon, i regularmente ta hasiendo mantenshonnan na e fasilidat nan di OTB na Aeropuerto.
8. Kuantu tempu reparashon di e waf lo bai dura i kuantu e lo bai kosta?
Aktualmente nos tin 3 oferta di kompania nan den evaluashon i den konsulta ku Havenmeester i RWS, pa despues di esaki mas pronto ku ta posibel bai over na hasi e reparashonnan.

Atentamente,

Kolegio Ehekutivo di Teritorio Insular di Boneiru,
gezaghèber, sekretario,



Kopia: Dir. T&H

Petishon pa ora di kontesta e karta aki menshoná fecha, number di e karta i tópiko.
Adrès: Plasa Reina Wilhelmina 1, Kralendijk, Bonaire, N.A. Telefòn: (599-717) 5330. Fax: (599-717) 8416